

青浦縣志

列女上  
列女中  
列女下

卷

三十三  
三十三  
三十四

列女<sup>上</sup>

自范蔚宗傳列女後世因之然不盡以節稱其後烏頭綽楔之制益詳而茹荼集蓼之節益以衆青邑自萬歷以前旌者均屬於華亭上海不能爲之區別至萬歷以後乃可著於志然案牘殘闕有間已旌者或多遺佚而窮鄉僻土剪髮髻面以終力不能表見於世亦莫有爲之闡發至百餘年後欲搜訪而無從者其草亡木卒聲名寂滅又當不少也若其姓氏可考者頗謂備紀無遺云

漢

呂氏名榮由拳人吳許升妻升爲盜所害州捕得盜斷頭祭夫其後黃巾欲犯之不從見殺大風雷電賊懼而葬之太守糜豹爲塚於由拳郭里墟北

吳

陸鬱生鬱林太守績女以鬱林所生故名之年十三適同郡張温弟白甫三月温以選曹尚書暨豔事連及被廢白亦坐是遷謫遂死鬱生遭罹家難抗節自矢與白姊妹三人俱以節行爲時所重姚信表其蹈履水火志懷霜雪義心固于金石體信貫於神明苟非名爵曷由勸善詒褒爲

義姑

元

管道昇字仲姬小蒸人歸趙孟頫封吳興郡夫人神姿秀  
朗工詩善畫嘗手書金剛經數千卷分施諸名刹又奉詔  
書千文詔勅玉工裝以玉軸送秘書監裝池藏內府又進  
所畫墨竹及設色竹圖蒙賜內府上尊酒入觀中宮命寫  
梅題句稱旨詩云雪後瓊枝露霜間玉蕊寒前村留不得  
移入月中看卒於臨清途次年五十八孟頫傷之致書於  
中峯僧明本數番皆以道其意感云

任氏都水監仁發女孫至正中有楊姓者官於華亭因聘  
焉其後北歸音耗遂絕將復受聘女剪髮泣曰奈何以一  
身而有二夫不許卒以女冠終

趙氏鄞縣處士陸燾妻至正間兩浙多事燾挈家避兵于  
瓢湖二十七年四月兵猝至燾偕趙氏行被刃陷淖中氏  
亦投淵時歌曰四月三日兵撓湖士女多被辱與驅殉節  
伊誰天水姝

明

謝氏泃西右族明初夫坐誅家亦籍沒婦給配象奴婦給  
奴曰待我祭亡夫奴信之遂攜酒飯至武定橋哭奠畢遂  
賦詩自刎

倪妙貞漢成里人孫思聰妻幼敏慧父教以列女傳深知大義思聰歿妙貞年二十五哀毀骨立未幾父與弟相繼死長子益亦夭獨與母及幼子傲居母諷以少寡泣曰不殉夫死者以母老子幼耳脫更失節何以見夫於地下乎後傲成立人稱其節孝

俞淑安新江鄉任仕中妻年二十而寡遺女二歲男甫五月家貧無依所親諷之再適俞斷髮自誓撫孤成立後其女亦早寡有諷其改節者曰再嫁則俞氏宗祀誰奉之且辱我母寧饑死耳乃歸與母同居守志有司以聞詔旌所居曰雙節之門

陸蓮青龍茅瓊妻瓊死氏年十九二子震霆幼家貧晝夜紡績以養舅姑隣婦亦罕見其面宏治十四年旌

曹氏副使時中女孫莫後景妻年十四父母俱亡于莫氏撫之奉侍太姑經六年寢食與俱言笑不苟未成婚後景死女絕粒飲泣月餘亦死臨歿時但以父母未葬爲恨巡按何熊祥表其門曰閨秀奇節

楊氏黃鑾妻甫婚鑾亡姑憫其年少無嗣令改適氏抱姑痛哭氣絕復甦守節終身正德間旌

徐氏祥澤人年十七歸楊鉞宏治中鉞以郡掾之官卒於逆旅氏方產姑妯恐傷其心秘不以聞氏覺之慟絕會所

產又不舉翁溥議立後氏堅辭撫其從子孫皆有恩而豫孫尤所鍾器十九嫠居至八十三而卒豫孫嘗謂氏於楊門爲壽母而未得旌言輒泣下沈愷志其墓

楊氏周雲鵠妻廣西提學思兼母少通文義其子讀書令從舅氏樞授經思兼登第後官湖廣按察副使雲鵠欲市楚木爲櫓氏不從日子爲憲臣如以遺體累其清白不濟此江也思兼在官時氏每引古人名節事以勗之

張氏湖廣巡撫楊豫孫妻善文墨豫孫爲中書舍人時徐階器重之每事咨訪世廟嘗夜夢饜饜二字曉起命內侍檢玉篇諸事書俱無之遍問閣臣徐階高拱等莫能對階

退語豫孫豫孫歸與氏語之氏曰吾觀道藏法海元珠有此二十餘字乃鬼來求食也急索觀某卷果得之明晨階捧元珠入對世廟大喜而不知其出於氏也豫孫撫楚卒于任致贈者一切以未亡人辭謝楚中縉紳莫不加敬而楊諸弟并孫等俱無所利意銜之既歸里直指以下遣使贖千金助葬楊氏諸弟求受此金又執不許并孫等恨入骨遂盜殺之

按事見五茸志逸又范濂據目鈔載楊并孫盜殺嫂張氏事甚詳

董氏章憲文妻憲文未遇時貧甚出爲童子師氏在家佳

養舅姑四壁蕭然樵蘇不繼日夕治紕易米具堂上膳退以食諸兒女餘鑊底焦飯乃自食之舅嗜飲苦乏錢每日向晡卽呼新婦今晚且罷酒必應曰酒已溫矣密遣老媪貰之鄰家而次第以手紉償其直絕不令舅知也憲文後貴屢歎其賢

王氏何四妻琴村浜人嘉靖中爲倭所俘義不受辱遇害屍浮於河三日父母收其屍兩手猶緊握裙帶

張氏沈巷韓宏謨妻嘉靖中倭入境突至其家宏謨具衣冠迎之方欲勸以好生勿殺語未脫口刃已斷其脣矣婦號赴奔救俱死焉

陸氏婦七寶陸台蘭妻賊至出奔爲賊所偪投橋下死

顧氏贈光祿少卿定芳女李賓陽妻歸三載賓陽歿越四月舉遺腹男泣曰先夫有子可死矣遂以遺孤托兄從禮絕粒而卒年二十一學道趙鏜知縣喻顯科旌其門

李氏練塘人縣學生沈默妻歸三月默亡繼姑強之再適氏不從備加楚毒一夕沐浴取衣百結自縊於柩旁時隆慶二年六月六日也越宿而殮面如生遂合葬於曹墳之

東

唐氏陳允正妻舉一子而允正歿逾年子復殤會翁懿德亦卒氏請於父自營生壙事竣忽沐浴更衣戒其女奴曰

吾困少憇命之出鍵戶書後事畢遂自縊啓篋中凡含殮  
旌襚歲月罔不預備衣帶間書夫婦同葬四字詔旌其門  
龔氏富欽妻欽歿守節撫孤嘉靖十七年其子詣京具疏  
詔旌其門

金氏葛鈿妻年二十鈿歿矢志撫孤姑歿葬祭如禮里人  
上其事萬曆九年旌

沈氏四川布政使恩女歸諸生顧從仁年二十五從仁歿  
子九敘幼氏勤勞撫養至於成立時值倭變備歷播遷卒  
年五十學道耿旌其門

范氏縣學生徐伸妻年二十七伸歿子士衡甫四齡撫之

青浦縣志

卷三十一

六

列女

成立拮据荼苦四十六年萬曆四十八年旌

富氏楊承勲妻承勲歿守節五十一年萬曆時旌

姚氏舉人張德瑜妻年二十四德瑜亡既葬氏結廬墓側  
終身不移知縣卓鈿表其居曰節婦萬曆間旌

唐氏小蒸沈繼美妻善琴工詩于歸後悉屏去惟理內職  
善事舅姑姑病氏衣帶不解藥必親嘗進之妯娌失愛於  
姑氏常曲爲彌縫後病劇繼美之兄掠母所有而去姑怒  
甚氏寬慰再四姑泣曰我感汝孝不能報但願他日子孫  
婦事汝亦如汝之事我也卒年六十九

徐氏七寶陸猷妻年二十猷歿未及葬會倭掠七寶縱火

焚廬氏撫膺哀號欲投火死父掖止之乃收戮骸骨囊枕中持之以行雖避難未嘗去手倭退歸葬守節終身崇禎間旌

郁氏侯伯權妻妾孫氏俱唐行橫淩人權早亡無子二氏少寡截髮白誓示不改節撫權甥童烈爲嗣烈子萬鍾萬

歷己酉舉人

錢福詩年少何堪喪藁砧持身不愧栢舟吟金刀曾剪延賓髮黃卷常存教子心鏡裡孤鸞無對影琴中別鶴有哀音佇看旌表門閭後同被天階寵渥深

楊氏縣學生李光初妻年二十五生子僅襁褓而光初亡當蓋棺時斷一指投其中曰先割吾指示從夫於地下姑留此身以撫孤耳及葬悲哀骨立絕食而亡知縣王思任

青浦縣志

卷三十一

七

列女

表其廬曰斷指奇節

金氏呂克忠妻嫁彌月克忠亡屢欲自經姑阻之不得死後歸母家守節與呂家僅隔一垣時時梯屋望夫柩而泣一日投地卒

陸娟陸潤玉女居廣富林少穎敏好書史善吟咏有索潤玉送行詩者值出外娟代作云津亭楊柳碧穆穆人立東風酒半酣萬點落花舟一葉載將春色過江南及歸馬龍事舅孝舅歿付以二女親同寢處者十年女既嫁始復夫室無出爲置妾生一子將卒以所作稿焚之曰非婦人事也



俞氏金澤人吳江許存仁繼妻未婚存仁歿氏年十九截髮毀容歸養舅姑恩撫前妻之子卒年六十有二崇禎十二年旌

黃氏縣學生黃軒女爲陳講養婦未成婚講亡誓以死守孀居三十七年而歿

陳氏琴川沈槐妻未嫁槐亡欲往奠父母阻之自縊而死楊雲芳修竹鄉人父時宜幼許字唐嘉會年十九未嫁夫亡女茹齋勵志誓不再適居三年父母憐其幼復爲議婚他氏委禽之夕扃戶自經死時萬歷四十一年十二月七日也與唐合窆于澱山墓生銀杏二枝皆連理大可合抱

青浦縣志 卷三十一 八 列女

今存

本朝順治十六年追 旌

包氏御史節女孫王子長妻子長歿氏年二十四教子章成立後子媳復相繼歿嫠居四十六年年七十卒墓在鍾

賈山

周氏蔡應奎妻應奎坐徒死于驛家貧無倚姑欲奪其志抱女投河死

張善才漢成里金復妻復年二十三病亡善才誓不再嫁孝養舅姑撫六歲子壽成人歷五十餘年無渝節鄉族稱之

張氏海隅鄉人曹祺妻府庠生幼僑女也年十五適祺越四年祺歿子甫三歲含哀撫孤誓不再適奉舅姑生事死葬咸盡禮卒年八十有一

顧氏錢雲川妻雲川歿撫其孤子若珍及長爲娶婦謝氏若珍尋妖謝引節自殉顧長齋禮佛矢節以終鄉人顏其居曰冰玉菴

侯氏金機妻年二十而寡生子甫三月氏勤紡績教遺孤苦節五十載人共稱之

張氏潘蕩里人陳嗣陸妻嗣陸早歿氏年二十一舉遺腹子孝娶婦後亦妖氏與媳吳氏同撫孤孫濟良卒年八

青浦縣志

卷三十一

九

列女

十四

陸氏潘蕩里人上海廩生陳無逸妻無逸死氏年二十三子世蕃方襁褓紡績教養垂髫補縣學生尋復妖氏居孀前後五十六年知縣屠隆以節並共姜賢同孟母旌之鄒氏青龍何文祥妻年十六適文祥半載而寡有遺腹越五月生氏口斷臍帶誓曰此生稍負所天有如此帶麤衣糲食守節終身

張氏華亭人邵陽縣知縣軌端女年十九歸兵科給事中陳子龍性端敏通書史事大母高安人繼姑唐宜人皆盡孝道子龍旣以盛名通籍爲越中司李廉介自持氏勤儉

助理中外井井後子龍擢入諫垣旋邁甲申之變越明年

南都失守子龍沉淵死孤子疑方四歲攜之以遁竄身山

谷間窺長始還鄉里娶婦丁氏疑早歿氏與丁同撫孫錫

璜及長娶婦張氏錫璜復天迨半載生遺腹男世貴三世

共撫之卒年八十有四

王澐三世苦節傳孺人張氏父邵陽知縣軌端母王氏生而端敏

敬夙成長通詩書史傳皆能舉其大義以及書算女紅之屬無不精嫻三黨奉為女師有弟五人莊事女兄如伯兄

張公奇愛之而難其配奉議陳公有子少負奇才即大樽先生也張公一見大悅曰此當代偉人也非此子不克配

我女遂許字焉年十九于歸初歸即秉家政上奉高安人

年高繼姑唐宜久疾孺人初歸湯藥積歲不倦中外稱晨昏得其權心侍唐宜疾孺人治湯藥積歲不倦中外稱

其孝秦議公固儒家產不踰中人為郎以清節名後家益落先生性豪邁不問家人生產素喜賓客座上恒滿孺人躬自操作鉅細井辦庚午先生登賢書兩上春官不第

青浦縣志

卷三十一

十

列女

詩酒之會倍盛於往時孺人常節縮衣食應之先生慷慨好施孺人常先其意為之問遺親故高安人一女篤愛之

贅諸氏壻共宅而居奉議公以寡兄弟而勿忍也先生承先志始終不替孺人承高安人歡敬愛有加撫其子如同

所生唐宜人生四女次第及笄孺人卒設巾帨治奩具而歸之丁丑先生成進士未歸而宜人見之泣曰賴有孝婦

歛之務綜理詳密靡不中禮高安人見之泣曰賴有孝婦勿之有悔矣先生還孺人忍違戒僕隸慎舟車問起居

相屬於道先生服官廉介厨傳蕭然孺人性儉而習勤安績若素予從遊邸中侍先生讀書常至乙夜猶聞內庭紡

世一子旁無晷功之屬孺人屢舉子女不灑掃而已陳氏五不宜子乃自越遣人至吳納良家子某氏以歸甲申春先

生入諫垣攜家還里至冬始舉子先生時年三十有七喜而名之曰疑孺人乃自鞠之曰今而後可以慰大母心矣

是歲先生以越李考績勅封孺人臘月先生葬兩世之喪禮成將為階隱之計越明年乙酉而南都之變作松郡兵

起舉室播越先生避地禾中孺人扶衰親抱幼子輾轉流寓備嘗艱險安人老疾日篤將半載而歿丙戌冬乃歸治

葬先生為雲水遊孺人遠依諸弟于吳越間不常厥居以是丁亥五月之變不及於難及聞先生殉節孺人誓以身殉時子疑方四齡諸弟羣勸慰之曰陳氏惟此子破巢完卵此天意也今日抱孤兒變姓重死孤兒寧得生乎孺人見其言切乃止問已入縣官食不給孺人躬自紡織拮据盡瘁營葬先生於祖墓為疑娶于門人丁君產女也舉子錫璜孺人且喜且悲曰夫子有孫矣孫生六歲而疑卒年僅二十有九孺人一慟幾絕謂丁婦曰此汝事也我可以無生矣既而曰孫孤少我目未瞑也於是共抱持之如鞠疑時錫璜稍長出就外傳孺人勉之以學曰墜前人之業居易以俟命可也早歲補博士弟子員娶于張一孺人姪得一女也逾年婦有娠而錫璜卒年僅二十有一孺人為哭曰昔我不從夫死我安能生乎丁婦泣請曰不死者為有錫璜也今錫璜死我安能生乎孺人乃止半載而曾孫生孺人喜曰我方望舉子嘗鑄世貴人問予當何名子憶曾孫年已三歲往來膝前宛若成人孺人遣兒孫登堂介壽

青浦縣志

卷三十一

十一

列女

癸酉仲春之吉孺人命從姪倬來知予有女孫同歲生請問名予額手曰此小子宿心也敬聞命矣乃告于先祠以女孫字世貴焉其夏孺人示微疾豫治襦衣綜理畢具乃曰未亡人宜衰經以從夫然先朝之命婦也命製冠帔如前典曰他日且殮衷素而加命焉可也服成而寢疾每進藥孺人却之曰我之藥久矣始得所歸耳何以藥為因屏飲食戒不復進拊二婦曰勉之善視曾孫以成志越數日疾革神明湛然時癸酉七月十三日也春秋八十有四疑婦丁氏孫錫璜婦張氏皆克以節世其家

楊氏趙屯浦沈九思妻年二十一九思亡誓以死守節所

居事佛凡五十餘年

楊氏文學諸秉禮妻秉禮歿子鶴年僅二歲女一歲氏年

二十一守節撫孤後鶴年為諸生博通經史皆氏所親授

也知縣屠隆旌其門曰賢節卒年七十有三孫嗣郢

本朝順治辛丑進士

本朝

姚氏朱漢章妻漢章販布外出值甲申兵亂客死臨清氏年二十七無子撫姪冕為子卒年六十一

張氏小蒸沈儒妻淑慎恭敬言笑不苟事舅姑以孝閑中外以禮年至百齡是年十二月卒

周氏薛奉泉妻孫氏鄭文光妻並年少有色居沈巷順治二年八月遇兵被掠乘間投河有援之者復自沉時謂雙烈

卜氏任鄧村倪君誠妻順治二年五月盜起湖濱官兵至

青浦縣志

卷三十一

十一

列女

鄉勦捕氏驚恐赴水兵投弓援之拒不接浮沉再三而歿時年四十君誠感其義終身不再娶

陸氏文學楊毓藻妻順治三年被兵刦入舟中氏抱子躍入水兵從後持其帶氏一手抱子一手解帶與子同溺死

曹氏沈廷棟妻順治十六年七月寇掠小蒸會廷棟他出氏抱三歲女走匿猝遇賊偪之登舟度不能脫抱女投谿

死越兩日寇退屍浮水上猶抱女不釋年二十有八

田茂遇詩

亂深比舍逐輕舟尚有貞姬心事幽翠袖自憐紅粉盡水肌甘向碧波浮珠簾夢斷鴛鴦夜繡閣歸菡萏秋千古琵琶聽馬上相看能不媿清流荒荒秋草徧芳湖彷彿凌波洛女圖抱石心堅還抱子隨流苦節本隨夫清宵絡緯秋聲斷中野哀鴻月影孤彤管只今推婦德可能遺却沈姬無

鍾氏金璧妻劉氏金堦妻俱順治十八年 旌

陸氏嘉善陸九如女小蒸縣學生沈愨中妻愨中病瘵氏奉湯藥四五年卒不起氏年二十九生三子皆殤以姪爲後事舅姑孝家甚窶凡喪葬婚娶悉取給十指歿七十有八知縣許昭來以節孝維風旌之

朱氏孫日障妻康熙二年日障歿氏年十九苦節四十餘載歿年七十一

蔡氏縣學生蔡民常女年二十歸小蒸沈敬一生子懋官敬一病亡氏以勤儉自勵懋官六齡就傅夜歸則自教之迄於成立卒年五十二

青浦縣志

卷三十一

十三

列女

陳氏新開涇張受甫妻康熙四年受甫歿歿前三日生一子氏苦節自矢撫孤至於成立卒年九十有二署知縣詐鈺以松齡栢節旌其門

顧氏王學溢妻康熙四年學溢病歿氏年二十二無子遺一女遺腹又生女嗣子其桓以痘殤翁姑亦相繼歿氏脫簪珥勤紡績以營窀穸長女適凌中敏次女歸陸某晚依凌氏以居多病常坐卧一樓年八十餘卒知縣王溯維榜其廬日節比松筠

董氏崧宅金魁妻魁歿氏年二十二無子矢志苦守署知府郭朝祚以清心玉映旌其廬

張氏縣學生張賔臣女小蒸沈時雨妻時雨病亡氏欲以身殉後舉遺腹衆以撫孤諫止之越十年孤復歿氏與伯時行妻陳氏相依守節康熙五年卒年四十二知縣魏球以善門雙節表其廬

陸氏名觀蓮別號雨鬢道人武塘段丹生妻也女名默字齋季小字墨姑俱有異才丹生嘗遊寓九峰間稱柳濱詩隱康熙六年知縣魏球聘修縣志將移家焉觀蓮以是夏六月卒於蔣湖之楊園吳江顧茂倫序其詩曰段氏閨隱集默性奇慧九歲能詩凡刺繡刀尺無不入妙習小楷摹畫李龍眠白描大士皆精絕年十六未字距母亡三日歿

青浦縣志

卷三十一

十四

列女

董黃爲作段山人少君女墨姑哀誄

施氏陳慈錫妻年二十二慈錫歿守節凡十年至康熙六年慈錫就窆後不食而亡

陸氏莊季菽妻年二十一季菽亡無子女依叔碩存以居康熙六年莊氏議立嗣子可貞請歸養氏喜曰生爲莊氏婦今得歸骨爲莊氏鬼幸矣歸甫一年而歿年六十

潘氏章練塘潘雲所女早喪父許配修竹卿沈義卿未嫁而義卿死氏奔喪拜見舅姑請留守節又請立嗣從之遂茹齋素勤紡績終身行不踰闕聲不出戶外康熙七年卒臨終呼嗣子邁曰吾兢兢三十六年所以報爾父者止此

矣命薄不敢望 旌表但大書沈婦潘氏足矣事聞知縣  
魏球表其廬曰奇節全倫

沈氏海隅鄉胡元才妻康熙十一年元才亡氏年二十八  
撫二子成立歿年九十有三

何氏國學生何國棟女適縣學生朱曦康熙十二年曦歿  
氏年二十三撫五歲子培成立守節歷二十五年

袁氏胡香妻香歿殉節康熙十二年 旌

柯氏秀水學生雲岷女金澤陳錦詞妻年二十七錦詞亡  
遺孤洪範生甫八月姑病又篤氏密封肘肉煮藥以進昏  
仆地隣嫗救之得甦歿年七十有八

青浦縣志

卷三十一

十五

列女

王氏陳少湖妻年十九而寡止一女後嫁張姓依壻以居  
壻又早逝一甥女嫁于陳晚年遂依陳氏卒年八十有五  
袁氏陳洪綱妻年二十三洪綱歿遺子甫六月苦節訓孤  
歷三十年而卒

曹氏邵廷升妻守節六十年而歿

陸氏陳嘉謨繼妻嘉謨亡撫前妻子成立苦節五十年  
施氏鄉飲賔元亮女適馬祖堯年二十三祖堯亡截髮自  
誓矢死不移子起徵後爲縣學生

顧氏文學王三聘妻年二十七而寡無子矢節不移居東  
余墓側年八十餘卒



施氏陳于國妻年十八而寡撫孤姪慈錫爲于國後年七十餘卒

胡氏三貞母者胡體仁妻陳氏妾顧氏倪氏也居金澤體

仁歿顧氏子闇甫四齡三母俱少艾守節子闇以孝稱有

雋才亦早卒

錢士升胡氏三貞母詩籍甚閨中秀芳年矢栢舟三遷隣俎豆一子紹箕裘烏鵲詩堪繼

青松節並留鼎全真絕世女史耀千秋

二姚氏文學姚暹妹一適雷鳴時一適沈晨沈氏陸國輔妻趙氏陸慶明妻程氏汪聯英妻姚氏朱天球妻俱以節著

劉氏任守仁妻守節撫孫壽至百歲

青浦縣志

卷三十一

十六

列女

諸氏陸希贄妻年二十六而寡二子士雋士彥皆在襁褓長齋繡佛六十餘年卒年九十有一

李氏沈大禮繼妻大禮早卒子季文方七歲氏上事姑孀下撫孤子黽勉五十餘年季文妻王氏亦早寡婦姑雙節閭里稱之

沈氏雷天聲妻工詩有詩集曰焚餘草

顧氏名步字佩微徐晉庭妻著有絮愁集

陸氏縣學生屠秉綸妻陸慶臻女幼嫻書史年十九秉綸亡遂不如葦嗣子文漪妻縣學生以詩文著氏年五十餘歿知縣霍輔漢有節凜冰霜御史李紹聞有懷清嗣美額

表其廬

周氏女許字張駟子夫早歿女聞逕造柩前投髮火中誓以死守

馬氏字全貞縣學生宗潛女許字婁縣夏士融士融病危

將易簀女聞先自經士融卽于是日歿

郝面為夫亡不比尋

常綱 常女子行白髮尚難全晚節青年那肯喪春光名垂天壤乾坤老聲落人間草木香吾淚豈能容易灑為他千古立

吳氏姚子凡妻子凡歿守節三十四年卒年五十四

周氏雙塔金兆龍妻兆龍歿氏年二十一無子歸依母家

後其妹陶烈婦殉節氏遂薙髮誓死撫弟之子某為嗣因

青浦縣志

卷三十一

十七

列女

里王原書其事

周氏朱家橋周君實女年十八適雙塔陶尚象越二年尚

象歿氏以六月孤希昌囑伯氏撫之拜辭舅姑絕粒而死

距夫歿二十二日耳學道田雯有彤史流芳知府魯超有

巾幗首陽教諭周肇有勁節凌霜各扁額

王原陶烈婦傳嘗觀五代之際

達官貴人朝遊梁廷暮踐唐室視其主如郵吏視其身如傳舍求忠貞不二心之臣不一二觀歐陽子作五代史深著譏貶於王凝妻李氏節烈之事獨津津焉蓋傷之也原國以維世期之甚重且遠若婦人女子守身之諒至微末不足以道而古之君子往往反覆稱道不置如此其意蓋可知矣若青浦陶烈婦之死至性毅然決此亦勇之過者然而厲世磨鈍君子于此必有取焉烈婦周氏年十八適陶死之日病不能興命婢具匱沐手浴體更新衣與舅姑

訣以六月孤屬諸伯叔氏言訖而瞑不及私語夫死殯匱於室虛其右自待至是果並殯康熙十八年三月戊戌也距生之死二十有一日嗚呼死生之際大矣若烈婦者雖喪所天遺孤在抱可以不死而決于自裁堅不可解豈其億父母舅姑之終將奪其志與抑有見于信命之所在必以下從爲正與亦或以盛年苦節有不自保之慮而早決與吾邑先達之士多立忠節邇者士氣稍敝如烈婦者固志士之所宜引以自厲也子故表而出之又書陶烈者固傳後陶烈婦之死其夫余論之詳矣旣金蘭自雙塔得所未間來諗不可以無述也金蘭曰周氏有女兒適金兆龍康熙十四年二月夫亡女兄時年二十一無子歸于周歷四寒暑矣感周氏之義烈乃薙髮茹素抱其弟某之子爲嗣之死矢靡他周氏于是有雙節焉嗚呼周氏以死殉而門內敦貞行者捷如機牙信如響擊彼含齒戴髮視息人而女兄者獨何心哉獨何心哉

傅氏趙德妻德早亡氏以身殉康熙二十年 旌

曹氏曹平子女許字徐鏡白將婚徐訃至女截髮自誓悲

青浦縣志

卷三十一

十八

列女

悼成疾而亡壻家哀其志迎柩合葬余山

方氏崧塘方瑞平女縣學生沈士約聘妻士約歿氏聞欲往父母止之乃築靜室於東偏長齋奉佛持身嚴峻性好施歲稔則施衣食又於渡口創石梁建崧浦涼亭以惠行旅歲時數遣婢僕饋問翁姑迨歿喪葬盡禮卒年七十二康熙二十三年 旌

金氏張涇塘莊宗如妻康熙二十三年宗如歿氏年二十九遺一女茹貧守節歿年九十餘嗣子懿章亦早卒  
王氏海隅鄉周九賢妻康熙二十三年九賢歿氏年二十七撫三子成立海防同知金 表其廬歿年八十有八

陸氏澱山管俊卿妻乾隆二十三年氏年十六于歸後五月俊卿歿舅姑父母俱以年少欲嫁之氏堅執不從辛勤紡績舅姑歿營葬澱山西隅以其夫祔焉歿年八十有六曹氏陳藻開妻藻開歿氏年二十七遺二子長則高方三歲次則京方四月氏撫孤苦守冬衣敗絮夏無完帷以針黹自給二子長爲就外傳康熙二十三年旌卒年七十有二

沈氏海隅鄉朱文玉妻康熙二十七年文玉歿氏年二十七矢志不嫁撫孤有成歿年七十有四

王氏陳又篁妻康熙二十七年又篁歿無子撫姪爲嗣卒年七十有七

青浦縣志

卷三十一

十九

列女

沈氏沈巷顧質華聘妻質華歿氏號泣請父母縞素歸顧門寢興夫柩之旁者十餘年康熙二十九年卒年二十有

九王心輓詩皎皎名門女希馮曾委禽玉樓徵賦手繡閣矢冰心十載依夫柩孤燈讀女箴最憐人未識正氣使清深聞訃衣如雪來歸殉所天舅姑驚異節冰蘂度芳年二豎緣愁據三春傍母眠頓成同穴志含笑入黃泉

顧姒字啓姬工吟詠書翰尤精仁和鄂曾妻縣丞之繡女姒隨父之任曾由是爲青谿寓公姒詩篇甚富嘗與武林林以寧曹鑑冰諸名媛爲澱濱詩會曾所如不偶姒知而安之晚年與夫閉門酬和以忘其貧在京師有花憐昨夜雨茶憶故山泉句極爲宋犖諸人所賞臨終以詩集命子

林昂乞序於給事中王原原序之以寧字亞清錢塘人御  
史錢肇修妻著有墨莊詩鈔蕉園詩集尋歸故里鑑冰爲  
千山曹重之女適七寶張殷六能詩畫原稱其有朱淑真  
管夫人之風所著清閨小草亦原作題辭

按學庵稿清閨小草序中兼稱顧林二媛且云三夫  
人胥浙材而爲青谿所有何其竒也今引流寓之例  
載入列女

裘氏北亭鄉陸天祐妻康熙二十九年天祐歿氏年三十  
撫孤成人年七十餘卒

顧氏修竹鄉顧元培女岑錦江妻錦江歿氏年二十遺腹

青浦縣志

卷三十一

二十

列女

生一男撫之成立

氏朱坊橋孟新芝妻氏年十四歸于孟新芝早卒無子  
氏年二十四生一女撫從姪敬承爲嗣以紡織自給歿年  
八十有七

戴氏姚陞遴妻康熙三十五年陞遴歿氏年僅十九矢志  
守貞歷五十七年卒年七十有七

尤氏孫鈞妻年二十三而寡孝翁姑撫遺腹男嗣洽成人  
又爲經營窳窳兩世以安

呂氏邨店費文淵妻明工部郎中克孝曾孫女文淵有瘋  
疾疾發稍不如意捶辱及之氏事之益謹康熙三十三年

文淵試不售發憤嘔血卒氏痛夫勤學賫志亦自縊年二十有一

陳氏婁縣陳章甫女縣學生薛張錦繼妻康熙三十四年張錦病歿越三十五日氏自經於房以救不得死又五日乘間自刎年二十知縣王允玫有奇節範世額旌其門駱氏邑人胡鳴球妻鳴球館給事中王原家苦志力學得咯血疾康熙三十五年卒氏年二十七辛苦操作撫孤承緒先後三十餘年歿年六十有二

張氏白鶴江楊廷尊妻康熙三十五年廷尊歿無子氏年二十九以姪天德爲子撫之至於婚娶其後子婦復相繼死氏撫五歲孫錦成立歿年七十有八

青浦縣志

卷三十一

二十一

列女

馬氏新開涇陳蒼來妻康熙三十五年蒼來歿氏年二十三矢志不嫁二子佑宸南英佑宸妻凌氏及其子萬占妻呂氏皆以夫亡守節萬占無子撫南英孫爲嗣三世貞孀出自農家聞者異之

曹氏薛山陸趾佳妻康熙三十七年趾佳歿氏年二十九撫三齡子孝思成立年六十餘歿

奚氏襄臣橋吳達三妻康熙三十七年達三歿氏年二十四撫孤矢節卒年七十有五

陳氏謝莊尤清環妻康熙三十九年清環歿氏年二十五

無子嗣子 昌亦早夭遺孫 氏躬撫之勤苦以終年七十有三

程氏陳昭遠妻康熙三十九年昭遠亡氏年二十九孀居至八十五歲歿

金氏修竹鄉薛士進妻康熙四十年士進亡氏年二十四生遺腹子孝瞻撫之成立娶董氏未幾孝瞻歿董氏年二十五亦生遺腹子能以姑婦共撫之兩嫠鞠一嬰兒殘燈破屋中煢煢相對兩世不絕如縷見者莫不酸鼻金歿年七十董歿年五十六

潘氏海隅鄉潘君美女薛炳生妻康熙四十年炳生歿氏年二十三守節四十四年而卒

青浦縣志

卷三十一

二十二

列女

朱氏諸學海妻年二十三而寡遺腹生男又殤撫姪憲章爲嗣旣娶亦天氏拮据荼苦至七十餘疾而歿

蕭氏珠街鎮高震妻康熙四十二年震歿氏撫孤成立歷五十餘年歿年八十

朱氏孔涇倪宏勳妻康熙四十二年宏勳歿氏撫孤以守歿年七十有七

吳氏王元佐妻康熙四十四年元佐以築堰溺水死氏年二十三誓不再嫁歿七十有二

俞氏橫涇陸聖祥妻康熙四十四年聖祥歿氏年二十二

撫四歲子成立歿年八十有一

呂氏監生汪士權妻幼知書事姑盡孝康熙四十四年士權歿氏年二十六撫二子成人既娶婦亦早世氏復撫二孫以延宗祀歿年五十有七

吳氏吳巷葉炳龍妻康熙四十四年炳龍歿氏年二十九撫九齡孤子子芳成立爲娶婦周氏子芳旋夭孫榮先尚幼氏與媳共撫之後娶王氏生子啓宗未幾榮先又夭一門三節鄉人咸哀其遇吳氏歿年七十有四周氏歿年五十有三惟王氏尚存

黃氏黃珂女年十八適孫日捷甫三載日捷以疾不起氏

青浦縣志

卷三十一

二十三

列女

哀慟絕粒五晝夜親黨勸諭再三強起撫孤家貧率一僮一婢日紡木棉供姑甘旨子鏞方二齡教養成立後補縣學生氏年六十有七卒康熙四十五年 旌

沈氏熊天佩妻康熙四十六年天佩歿孀居苦守卒年七十有二

程氏珠街鎮高西園妻康熙四十七年西園歿氏年二十七孝舅姑皈依釋典茹素終身歿年七十有六

葉氏沅州府同知葉椒遠女年十七適雒南知縣胡士麟子永祺康熙四十八年永祺歿氏年二十六遺孤早殤以姪夢梅爲後延師訓學補金山衛學生年七十有三卒



金氏莊世裕妻世裕病亡子光被生甫八月氏矢志撫孤  
迄於婚娶後光被補縣學生陳母苦節學政張 有孟  
訓齊芳額表之康熙四十八年 旌

唐氏新江鄉葉舒遠妻康熙四十九年舒遠病亡無子氏  
年二十五守節三十七年而歿

蔣氏蔣御章女年十九適湯祝三康熙五十年祝三歿氏  
年二十五守節撫孤歿年九十子兆熊縣學生

鄭氏雙塔葉惠生妻康熙五十年惠生病歿氏上侍舅姑  
下撫遺腹兒至七十餘而卒

王氏縣學生胡介祺妻康熙五十一年介祺歿氏年二十

青浦縣志

卷三十一

二十四

列女

八子生甫六月氏撫之成立守節凡三十六年

楊氏附貢生孫溥側室康熙五十二年溥歿氏年二十九  
無子守節終身歿年八十

黃氏青山港陸洙妻康熙五十二年洙歿氏年二十七無  
子撫姪爲嗣署知縣許逢元以節孝垂芳額獎之歿年九

十有一

陳氏朱家村胡允臣妻康熙五十四年允臣歿氏年二十  
六撫孤成立歿年八十有三

孫氏縣學生孫載禮女年二十適方存仁婚後六月存仁  
歿刻苦自矢歷久不渝歿年五十有四

李氏修竹鄉馬如一妻康熙五十六年如一歿氏年二十九孝事翁姑撫遺腹子成立歿年八十有一

宋氏茶菴張大章妻康熙五十七年大章歿氏年二十無子嗣子及壯而歿嗣孫亦早亡哀痛以終年五十有一

陳氏新江鄉顧倫妻康熙五十七年倫歿氏年二十生遺腹男撫之至於成立取隣女爲媳未幾子邁廢疾氏與媳藉紡績以餬口歿年八十有四

胡氏小蒸監生曹建瀛妻康熙五十八年建瀛亡氏年二十八撫孤守節歷四十餘年而歿

陳氏曹永康妻康熙五十八年永康歿氏年二十矢志不嫁孀居六十三年

青浦縣志

卷三十一

二十五

列女

朱氏徐國賓妻康熙五十八年國賓歿氏年二十四撫一子二女以守其伯父欲令改適氏聞十年不歸省家有井隣人常來汲水氏因掩之未幾子歿與壻女同居歿年七十

馮氏張日觀妻年二十四嫠居歿年八十有四

蔣氏蟠龍塘陳恒濤妻康熙五十九年恒濤歿氏年二十遺腹生一女兄子浩嗣甫及期氏卽撫之與所生女同乳哺焉晚年家益貧憂勞成疾歿年六十有二

張氏黃渡錢義傳妻義傳歿氏年二十五矢志守節康熙

六十年 旌子鏡明縣學廩生有文名

朱氏婁縣學生方光耿妻康熙六十年光耿歿氏年二十九撫嗣子明藻成立歿年六十明藻縣學生

趙氏華紹周妻康熙六十年紹周病亡氏年二十六遺腹生子文德撫育教養迄於成立歿年七十有四文德縣學生

趙氏縣學生王詩妻未婚守節

朱氏胡聖臣妻康熙四十四年聖臣歿氏年二十四遺一子未週歲苦志撫孤勤紡自食有欲奪其志者絕粒誓死親戚勸止年八十而歿

